




ՀՀ ՆԱԽԱԳՈՒՀԻ ԸՆՏՐՈՒԹՅՈՒՆՆԵՐ 2008 ՄԱՍՆԱՎՈՐ ՈՂՈՐԾԻ ԱԿՆԵԱՄԼԻՔՆԵՐԸ





ՓՄԲՀ



AFIC

Մասնավոր ձեռնարկատիրությունը
ՀՀ ճախազահական ընտրություններ
2008-ին ընդառաջ.
Գնահատականներ և ակնկալիքներ

ԲՈՎԱՆԴԱԿՈՒԹՅՈՒՆ

Նախաբան	4
Չեռնարկատիրությունն այսօր (ըստ ոլորտի ներկայացուցիչների)	6
Չեռնարկատերերի ակնկալիքները	12
Չեռնարկատիրության վաղվա օրը (ըստ ՀՀ նախագահության թեկնածուների)	20
Հավելված 1	31
Հավելված 2	34

ՆԱԽԱԲԱՆ

«Փոքր և միջին բիզնեսի հիմնադրամ» և «Օտարերկրյա ներդրումների և համագործակցության ասոցիացիա» ոչ առևտրային կազմակերպությունները, կարևորելով երկրում մասնավոր ձեռնարկատիրության զարգացմանն ուղղված բարեփոխումների հետևողական իրականացման անհրաժեշտությունը, նախազահական ընտրությունների նախօրեին նախաձեռնեցին մի ծրագիր, որի նպատակն էր հարցման միջոցով.

- բացահայտել գործարար հանրության ընկալումը մասնավոր ձեռնարկատիրության զարգացման ճանապարհին առկա խոչընդոտների և հիմնախնդիրների վերաբերյալ,
- բացահայտել մասնավոր ձեռնարկատիրության զարգացման ճանապարհին առկա խոչընդոտների և հիմնախնդիրների վերացմանն ուղղված նախազահության թեկնածուներից յուրաքանչյուրի դիրքորոշումն ու մոտեցումները,
- իրազեկել նախազահության թեկնածուներին մասնավոր ձեռնարկատիրության զարգացման ճանապարհին առկա խոչընդոտների և հիմնախնդիրների գործարար հանրության ընկալման վերաբերյալ,
- իրազեկել գործարար հանրությանը վերը նշված խնդիրների լուծմանն ուղղված նախազահության թեկնածուներից յուրաքանչյուրի մոտեցումների վերաբերյալ:

Հարցումն իրականացվել է Երևանում, Գեղարքունիքի, Տավուշի և Վայոց Ձորի մարզերում, Երևանի և Գեղարքունիքի մարզի Առևտրա-արդյունաբերական պալատների, Տավուշի մարզում գործող «Դիլնետ Սերվիս» և Վայոց Ձորի մարզում գործող «Աշխատանք և Հայրենիք» հասարակական կազմակերպությունների ակտիվ մասնակցությամբ և օժանդակությամբ: «Փոքր և միջին բիզնեսի հիմնադրամ»-ը և «Օտարերկրյա ներդրումների և համագործակցության ասոցիացիա»-ն իրենց երախտագիտությունն են հայտնում այդ կազմակերպություններին հարցման իրականացման ընթացքում ցուցաբերած գործուն աջակցության համար:

Հարցմանը մասնակցել են Երևանի և Գեղարքունիքի մարզի Առևտրա-արդյունաբերական պալատի անդամները, «Դիլնետ Սեր-

վիս» և «Աշխատանք և Հայրենիք» հասարակական կազմակերպությունների շահառու հանդիսացող գործարարները:

Մասնավոր ձեռնարկատիրության ներկայացուցիչներին տրված հարցերը ամփոփված են Հավելված 1-ում բերված հարցաշարում.

Երևանի, Գեղարքունիքի, Տավոշի, Վայոց Զորի մարզերի մասնավոր ձեռնարկատիրության երեք և կես հարյուրից ավել ներկայացուցիչների շրջանում անցկացրած հարցման արդյունքների հիման վրա ձևավորվեց մասնավոր հատվածի մտահոգություններն ամփոփող հանգուցային հիմնահարցերի այն շարքը, որը նախաձեռնող խումբը որպես ոլորտի ներկայացուցիչների յուրօրինակ պատգամ ներկայացրեց նախագահության թեկնածուների ուշադրությանը: Այն բերված է Հավելված 2-ում:

Նախագահության թեկնածուների պատասխանները բացահայտում են նրանց դիրքորոշումը վերսիշյալ հիմնախնդիրների վերաբերյալ և բոլոր են տալիս գնահատել դրանց լուծմանն ուղղված մասնավոր հատվածի իշխանության գործադիր թվի հետ հետագա կառուցողական համագործակցության հեռանկարը:

Վերլուծական նյութը ամփոփում է երկու հարցումների արդյունքները: Այն ներկայացնում է ձեռնարկատիրության ներկայացուցիչների ընկալումն ու դիրքորոշումը՝ «Զեռնարկատիրությունն այսօր» և «Զեռնարկատերերի ակնկալիքները» վերնագրի տակ:

«Զեռնարկատիրությունն այսօր» վերնագրի տակ բերված են հարցման մասնավոր ձեռնարկատիրության ներկայացուցիչների հարցաշարում բերված հարցերի պատասխանները, իսկ «Զեռնարկատերերի ակնկալիքները» վերնագրի տակ հեղինակները տեղադրել են այդ պատասխանները լրացնող հարցման մասնակիցների դիտարկումներն ու առաջարկությունները:


«Զեռնարկատիրության վաղվա օրը» խորագրի ներքո ամփոփված են նախագահական ընտրություններ 2008-ի գործադիր իշխանության ամենապատասխանատու պաշտոնի համար հավակնող թեկնածուներին ուղղված հարցաշարի պատասխանները: Այս բաժնում ևս առավել մեծ հետաքրքրություն է ներկայացնում հարցման մասնակիցների պատասխանները լրացնող և/կամ մեկնաբանող նյութը: Նման լրացնումներն ու մեկնաբանությունները պարտադիր

Հէին, այդ իսկ պատճառով նախագահության քեկնածուներից ոչ բոլորն են լրացրել հարցաշարում դրա համար նախատեսված մասը, ինչպես դա տեղի է ունեցել պարոնայք Արթուր Բաղրասարյանի և Տիգրան Կարապետյանի դեպքում։ Ի տարբերություն նրանց, պարոն Արման Սելիքյանը չի պատասխանել առաջադրած հայցերին, հարցաշարի համապատասխան մասում քերելով դրա բացատրությունն ու մեկնաբանությունը։


ԶԵՌՆԱՐԿԱՏԻՐՈՒԹՅՈՒՆ ԱՅՍՈՐ (ԸՆՏԱՐԱԿԱՆ ՀԱՅԱՍՏԱՆԻ ՎԱՐԱԿԻՑՆԵՐԻ)

Զերնարկատիրության ներկայիս օրվա պատկերը ըստ հարցման մասնակիցների հետևյալն է։


- Երկրում մասնավոր ձեռնարկատիրության զարգացման աստիճանը 40%-ի կարծիքով բավարար է, մինչդեռ 48%-ը այն գտնում են անբավարար։




- Տնտեսության մասնավոր հատվածին պետական կառավարման մարմինների կողմից ցուցաբերվող օժանդակությունը շատ բարձր էն զնահատել 5 մասնակից (մոտ 0.01%): Գրեթե հավասար էն կիսվել ձայները «որոշ չափով են օգնում» և «անտարբեր են» պատասխանների միջև (հաճապատասխանաբար 29% և 31%): Ըստ 24%-ի պետական կառավարման մարմինները կամ չեն օգնում, կամ նույնիսկ խանգարում են (13%) :



- Այլուհանդերձ, պետական կառույցների կողմից ծառայությունների մատուցումը արդյունավետ են գտնում 16%-ը անարդյունավետ՝ 55%-ը:



- Ըստ հարցման մասնակիցների՝ մասնավոր ձեռնարկությունների մոտ 50%-ը պետական մարմինների, կանոնակարգերի և վարչարարության հետ առնչվող խնդիրների լուծման համար ապավիճում են “տանիքի” ծառայություններին:




«Տանիքի» ծառայություններին ապավիճող ձեռնարկությունների թիվը

- Ոլորտում առկա առավել խոշոր խոչընդոտների դասակարգումը ըստ կարևորության համաձայն հարցման մասնակիցների հետևյալն է.

1.	Կոռուպցիա (259 ձայն)
2.	Գների աճկայունություն, արժեզրկում (242 ձայն)
3.	Արժույթի փոխարժեքի տատանումներ (237 ձայն)
4.	Հարկեր և հարկային վարչարարություն (225 ձայն)
5.	Պետական կամ մասնավոր ձեռնարկությունների կողմից ոչ մրցակցային գործելակերպ (138 ձայն)


6.	Արդարադատության համակարգի անկատարություն (113 ձայն)
7.	Ֆինանսավորման մեխանիզմների անկատարություն (111 ձայն)
8.	Տնտեսական բարեփոխումների իրականացման լնդացք (99 ձայն)
9.	Գործարարության կանոնակարգման և վարչարարության անկատարություն (97 ձայն)
10.	Ենթակառուցվածքների (հեռախոս, էլեկտր., ջուր, ճանապարհներ) անբավարար վիճակ (69 ձայն)

- Երկրում մասնավոր ձեռնարկատիրության զարգացման հիմնական խոչընդոտները հարցման մասնակիցները դասակարգել են հետևյալ կերպ.
 - Հարկային բեռլ, բարդ հարկային համակարգը (285 ձայն)
 - Կոռուպցիան պետական հատվածում (242 ձայն)
 - Անբավարար պետական աջակցությունը (177 ձայն)
 - Օրենսդրության հաճախակի և անհետևողական փոփոխությունները (161 ձայն)
 - Վարչարարական չարաշահումները (157 ձայն)
 - Վարկերի դժվար մատչելիությունը (132 ձայն)
 - Սեփականատիրական իրավունքի պաշտպանված շինելը (105 ձայն)
 - Դատախրավական համակարգի անկատարությունը (86 ձայն)
 - Թույլտվությունների և լիցենզիաների ստացման կարգը (74 ձայն)
 - Զեռնարկության հիմնադրման կարգը (28 ձայն):
- Մասնավոր ձեռնարկատիրության ոլորտում բարեփոխումների իրականացումը հարցման մասնակիցների 98%-ի կարծիքով անհրաժեշտ է կամ նույնիսկ խիստ անհրաժեշտ: Միայն 7 հարցման մասնակից (մոտ 0.02%) գտնում են, որ ոլորտում անելիք չկա, կամ գուցե ջանքերն ապարդյուն են:



ՆԵՐՆԱՐԿԱՏԵՐԵՐԻ ԱԿՆԿԱԼԻՁՆԵՐԸ

Նորընտիր նախագահի կողմից տնտեսական բարեփոխումների խթանում են ակնկալում հարցման մասնակիցների 37% -ը: 21%-ը նման ակնկալիքներ չունեն, իսկ 24%-ը գերադասում են գուշակույն շանել:



Հարցման մասնակիցների կարծիքների հիման վրա ձեավորված նորընտիր նախագահից ակնկալվող առաջնահերթ ոլորտային բարեփոխումների ցանկը հետևյալն է.

1. կոռուպցիայի դեմ պայքար (118 ձայն),
2. տնտեսական օրենսդրության կատարելագործում (112 ձայն),
3. հարկային և մաքսային բարեփոխումներ (108 ձայն),
4. արդար մրցակցային դաշտի ապահովում (104 ձայն),

5. համայնքների տնտեսական զարգացում (75 ձայն),
6. վարչարության կատարելագործմանն ուղղված բարեփոխումներ (63 ձայն),
7. ներդրումների խթանում (55 ձայն),

Հասուկ հետաքրքրություն են ներկայացնում հարցման մասնակիցների նշումները որպես «Այլ առաջարկություններ և դիտարկումներ».

- Այսօր ՀՀ-ի համար ամենակարևոր խնդիրը աշխատատեղերի խնդիրն է: Եթե ստեղծվեն աշխատատեղեր, բնակչությունը կունենա եկամուտ և ապրելու միջոց: Դրանից հետո կարծում եմ, որ ամեն ինչն իր տեղը կընկնի:
- Հայաստանում պետք է ստեղծվեն այնպիսի կազմակերպություններ, որոնք կապահովեն տարբեր տեղական ձեռնարկություններին միջազգային նմանատիպ կազմակերպությունների հետ համագործակցությունը:
- Հայաստանի համար լավ կլինի միայն այն ժամանակ, երբ կարգավորվեն հականարտությունները և հարաբերությունները հարևանների հետ:
- ՀՀ-ի համար այսօր կարևոր խնդիր է կոռուպցիայի կրճատումը հատկապես պետական հատվածում: Դա այն հիմնական խոչընդոտներից է, որը խանգարում է մեր երկրի դինամիկ զարգացմանը:
- ՀՀ-ում անհրաժեշտ է սկզբնական շրջանում հարկային արտոնություններ տալ սկսնակ փոքր և միջին բիսնեսներին, մինչև նրանք գտնեն շուկայում իրենց պատկանող սեկտորը և հաստատվեն:
- Անհրաժեշտ է ծրագրեր մշակել, որպեսզի խթանվի օտարերկրյա ներդրումները Հայաստանում, ոչ միայն առևտրի, այլ նաև արտադրության և գյուղատնտեսության բնագավառներում: Դա կնպաստի աշխատատեղերի ավելացմանը:
- Անհրաժեշտ է, որ սկսնակ յուրաքանչյուր գործարար քաջածանոք լինի ՀՀ-ում գործող օրամտությանն ու դրա հաճախակի փոփոխություններին:

- Անհրաժեշտ է ՀՀ-ի տարածքում հեռուստահաղորդումների միջոցով ծավալել քարոզչական աշխատանք, որպեսզի որքան հնարավոր է նվազեցվի ստվերը:
- Շատ լավ կլիներ, եթե ՀՀ-ի մաքսակետերում մշտական ներկրողների համար սահմանվեին որոշ արտոնություններ, օրինակ քիչ մարս զանձվեր (ասենք խթանելու համար գոնե 2-5%-ի չափով)
- Անհրաժեշտ է ստեղծել պայմաններ և կիրառել խթանող միջոցառումներ, որպեսզի փոքր մասնավոր ձեռնարկությունները համագործակցեն միջին և խոշոր մասնավոր ձեռնարկությունների հետ, քանի որ լինելով ինքնուրույն նրանց ոչ բոլորին է հաջողվում պահպանել իր գոյությունը:
- Այսօր հաճախ, այն մարդիկ որոնք նոր են սկսում գրադարձ գործարարությանը տեղյակ չեն նույնիսկ այդ ոլորտում գործող օրենքներին: Դրա համար անհրաժեշտ է ստեղծել մի մարմին, որը կզբարվի սկսնակ գործարարներին օրենքի ուսուցմամբ և կիովանավորվի պետության կողմից:
- Եթե նշված բարեփոխումների գոնե 50%-ը իրականացվի ապագայում, ապա նորընտիր նախագահից շատ գոհ կլինենք:
- Ամենակարևորը փոքր և միջին ձեռնարկությունների համար հանդիսանում է պետական աջակցությունն ու հովանավորությունը: Պետությունը պետք է աջակցի փոքր և նորաստեղծ ձեռնարկություններին, այլ ոչ թե նրանց հարկային բեռով ծանրաբեռնի:
- ՀՀ-ում շատ տարածված է ստվերային տնտեսությունը: Դրա հիմնական պատճառը հարկային դաշտի անկայությունն է, ինչպես նաև «հայի» հոգեբանությունը: Դրա համար անհրաժեշտ է միջոցներ կիրառել ստվերի մասամբ նվազեցման համար: Կարևոր քայլ կլինի հոգեբանության փոխելլ:
- Այսօր բիզնեսը կարիք ունի վարկավորման, հատկապես նորաստեղծ բիզնեսը: Սակայն բացի վարկը ձեռք բերելու դժվարությանը կա նաև շատ բարձր տոկոսադրույթը: Դրա համար պետությունը պետք է մշակի կանոնակարգեր այդ տոկոսաչփերի վերաբերյալ և դա տարածի բոլոր վարկատուի

Վլա

- Հայաստանից բազմաթիվ մասնագետներ մեկնում են արտերկիր, որտեղ իրենց աշխատանքը գնահատվում է և մենք գրկում ենք մասնագիտական ուժից: Դրա համար անհրաժեշտ է ՀՀ-ում ստեղծել այնպիսի պայմաններ, որ լավ մասնագետը իր ունակություններով նպաստի երկրի բարեկեցությանը:
- Պետությունը պետք է սահմանի արդար մրցակցային դաշտ: Կարենը է կոռուպցիայի վերացումը, որը կրերի բոլոր ոլորտներում կայունություն, այդ բվում նաև մրցակցային դաշտում:
- ՀՀ-ում օրենքները շատ լավն են, համարյա կատարյալ, բայց օրենքների կիրարկումը շատ վատն է: Այն ուղղակի գրված է թղթի վրա, բայց չի գործում: Եթե օրենքները գործեն ամենայն խստությամբ, ապա ամեն բան էլ իր տեղը կընկնի:
- Պետք է առավել մեծ ուշադրություն հատկացնել հարկային դաշտին: Անհրաժեշտ է կատարել բարեփոխումներ, որոնց արդյունքում նորաստեղծ փոքր և միջին հզորության ձեռնարկություններից որոշ ժամանակ հարկեր չգանձվեն, օրինակ 1 տարի, ինչը կնպաստի դրանց զարգացմանը:
- Հայաստանի համար շատ կարենը խնդիր է այժմ հանդիսանում արտաքինային գործությունների վերաբերյալ մարդկանական կուրսի տատանումները: Դա շատ վատ է անդրադառնում, ինչպես մարդկանց գրպանի, այնպես էլ հոգեբանության վրա: Ոչքան հնարավոր է, պետք է միմինումի հասցնել այդ տատանումների հաճախականությունը:
- Ցածրացնել հարկերի տոկոսադրույթները:
- Գյուղատնտեսության զարգացում՝ վարկային ծրագրերի սուրսիդիաները պետք է տրամադրվեն նաև հեռավոր մարզերին:
- Պահպանվի և զարգանա գոյություն ունեցող իրավիճակը:
- Կոռուպցիայի վերացում, բյուրոկրատիայի վերացում:
- Հարկային դաշտի կատարելագործում:
- Հայաստանում գործող մոնոպոլիայի վերացում:

- Ավելի մեծ ուշադրություն դարձնել Երևանից հեռու գտնվող վայրերին:
- Ոչ արդար մրցակցության դեմ ակտիվ պայքար:
- Կաշառակերությունը վերացնել և վերանայել հարկային օրենսդրությունը:
- Վարկի տրամադրման ցածր տոկոսադրույթ:
- Գործարանների և նոր աշխատատեղերի բացում:
- Նորստեղծ բիզնեսներին աջակցություն տրամադրվի:
- Ստեղծվեն այնպիսի պայմաններ, որ համայնքում ներդրումները կապված գրուաշխության հետ աճեն:
- Ստեղծել պարզ և նատչելի օրենքներ:
- Բացառել հարկային դաշտի հաճախակի փոփոխությունները:
- Պայմաններ ստեղծել մարդկանց արդար աշխատանքի համար:
- Ստեղծել արդար մրցակցային դաշտ, հարկային համարագի պարզեցում:
- Վերացվի «տաճիք» հասկացողությունը:
- Հարկային բեռի թերևացում:
- Լինի արդարություն «ով աշխատի նա կուտի» և ոչ թե հակառակը:
- Անտեղի ստուգումների նվազեցում:
- Ոչ մի առաջարկ անարդյունավետ չէ:
- Ով էլ ընտրվի նախագահ ՓՄՁ ոլորտը կմնա նույնը:
- Զեմ կարող նախորոք ինչ-որ բան ասել, ամեն ինչ պարզ կլինի միայն ընտրություններից մեկ կամ երկու տարի հետո:
- Ամենայն հավանականությամբ նոր նախագահ ընտրելուց հետո աճ տեղի կունենա:
- Հույսով եմ, որ նոր նախագահը կնվազեցնի երկրի մարդկային արտահոսքը, նոր աշխատատեղերի բացման շնորհիվ:
- Նորընտիր նախագահից ակնկալում եմ ՓՄՁ ոլորտում աճի մի-

տում, կենտրոնացումը Երևանից կփոխանցվի դեպի մարզեր և տնտեսությունը էլ ավելի կզարզանա:

- Երկիրը հարուստ է ոչ թե առանձին սորյեկտների գրանցմերը դատարկելով, այլ հարուստ սորյեկտներով: Աղքատ սորյեկտները չեն կարող հարուստ երկրի մաս կազմել: Քաղաքականությունը պետք է լինի այնպիսին, որ տերը լինի ոչ թե հարկահավաքը, այլ հարկատուն:
- Անհրաժեշտ է փոխել հարկային համակարգը:
- Այս երկրում արդարություն չկա: Պաշտոնայները իրենց գրանցի մասին են մտածում, իսկ ժողովուրդը նրանց համար անզամ վերջին տեղում չէ: Մարդիկ հնարավորություն չունեն իրենց երկրում ընտանիքը պահելու համար բավական գումար վաստակել: Քաղաքականությունը գտնվում է գրոյական վիճակում:
- Սեծ կարևորություն ունի նաև զբաղվածության խնդիրը: Մասնավորապես երիտասարդ կաղերի աշխատանքի խնդիրը իրենց մասնագիտության գծով:
- Կուգենայի վերանար կոռուպցիան և արդարություն լիներ:
- Կառավարության աջակցություն մանր և միջին բիզնեսին: Խոշոր և գերխոշոր ձեռնարկատերերը հարկային դաշտ բերվեն:
- Ֆինանսական օլիգարխներին հարկային դաշտ բերել, այսինքն նրանք իրենց հարկերը վճարեն և պետությանը չվճարած հարկերի հաշվին "բարերարներ" չդառնան:
- Կցանկանամ, որ ամեն ինչ արդար լինի:
- ՓՄՁ-ներին հնարավորություն տալ զարգանալու: Զնեղել այլ օրգանների միջոցով:
- Պետք չէ անընդհատ օրենքներ փոխել, անհրաժեշտ է հետևել օրենքների կիրարկմանը:
- Ամենից կարևոր է կիրարկել օրենքները:
- Կարևոր, որ մտածեն ոչ թե սեփական գրանցի, այլ հասարակ քաղաքացիների կյանքի բարելավման մասին: Ցանկալի է, որ

հնարավորության սահմանում աշխատեն ազնիվ և խղճով:

- Ծառ քանկ են հեռախոսի, էլեկտրաէներգիայի վարձավճարները:
- Գործարաններին անհրաժեշտ է աջակցություն պետական մարմինների կողմից, անհրաժեշտ է կրծատել հարկերի տեսակներն ու հարկերի դրույքաչափերը:
- Անհրաժեշտ են հասարակության խիստ բևեռացվածության մեղմացում, քաղաքի և մարզերի միջև տարրերության կրծատում, հասարակության սոցիալական վիճակի բարելավում, վարչական շրջանների ճիշտ բաժանում:
- Սոցիալական վիճակի մակարդակի բարձրացում: Վերացնել քաղաքի և շրջանների միջև զարգացման աստիճանի տարրերությունը: Աշխատատեղերի ավելացում և շինարարության աջակցություն մարզերում:
- Մասնավոր ձեռնարկությունների պետական կոռույցների հետ համարորդակցված աշխատանքը հնարավորություն կտա զերծ մնալ նշանակած թերություններից և խրանել փոքր և միջին բիզնեսը:
- Պետք է բարձրացնել մանր ու միջին բիզնեսով գրադարձ ձեռնարկատերերի պաշտպանվածության աստիճանը: Խիստ պարզեցնել հարկային օրենսդրությունը, դրանում գործող օրենքները, թերևացնել հարկային բեռք, ստեղծել պարզ աշխատանք:
- Հարկային համակարգի պարզեցում փոքր և միջին բիզնեսի զարգացման նպատակով:
- Օրենքը պետք է գործի բոլորի համար, ընտրությունները լինեն ազատ և արդար, կառավարությունը մեծ ուշադրություն դարձնի փոքր և միջին բիզնեսի վրա, հարկերի տոկոսադրույքները իջեցվեն՝ հատկապես մարզերում:
- Վարկերի տոկոսադրույքները չպետք է գերազանցեն տարեկան 7-9%-ը, հատկապես փոքր ձեռնարկությունների համար: Ժամանակն է երկարաժամկետ՝ 3 տարուց ավելի, վարկավորում սկսել:
- Հարկերի նվազեցում, օրենքները գրվում են, բայց չեն կատար-

վում: ՀՀ-ում փոքր և միջին բիզնեսը չի զարգանում, վիճակը ավելի է վատանում, հարկերը բարձրանում են, իսկ հարկային մարմնում աշխատողը պատասխանում է. «... մենք պլան ենք կատարում, ձեռք չի տալիս՝ լուծարեք կազմակերպությունը»:

- Մարզերում գործող ՓՄՁ-ների համար կառավարությունը պետք է համազործակցի, աջակցի և հարկային թեոր թերևացնի: Պետք է կանխվեն օրենսդրական և վարչարարական չարաշահումները, որոնք փոքր բիզնեսին դեպի ստվեր են նղում:
- Մասնավոր ձեռնարկատիրության զարգացման համար պետք է լինի պետական մոտեցում՝ մանր ու միջին բիզնեսի յուրաքանչյուր մասնավոր ձեռնարկատեր կամ մենատնտես հնարավորություն ունենա արտադրամքը շուկա հանել և ստացված շահույթից փակել բարձր տոկոս կազմող վարկը և հարկերը: ՓՄՁ-ն երկրի հիմքն է, որին հաջորդում է պետության կայացումը և բարգավաճումը:
- Համախառն արդյունքի 90-95%-ը ստվերային է և պատկանում է 5-10% սեփականատերերի, որոնք ել օգտվություն են "տանիք"-ից: Պետք է սահմանափակել սփյուռքի "գործարարներից" և միջազգային ֆինանսական մարմինների ստրկական պայմաններով տրվող միջոցներից: Քաղաքական կողմնորոշման սլաքը պետք է ուղղել դեպի Հյուսիս:
- Ներկա իրավիճակում անհրաժեշտ է թերևացնել հարկային բեռլ, նվազեցնել այն աստիճանի, որ գործարարը հաճույքով իրականացնի իր հարկային պարտավորությունները:
- Ընտրությունները պետք է չկեղծվեն:
- Ինչքան հնարավոր է գերծ մնալ սուտ խոստումներից և բամբասներից:
- Հրատապ վերականգնել պարզեցված հարկը նախքին տեսքով: Անբարեխիղ հարկատումների համար տարվա առավել եկամուտի չափը կարելի է իջեցնել: Այլ կերպ շուտով բիզնեսը կզախչախվի:
- Երիտասարդներին հնարավորություններ տալ բոլոր բնագավառներում: Երկրին պետք են նոր կաղըներ:
- Միջին և փոքր բիզնեսի արտադրական հատվածին հարկել

հաստատագրված հարկով, հաշվի առնելով նրա արտադրական հզորությունները: Արտոնությունները տալ թերև արդյունաբերության ոլորտին, այդ ոլորտը շատ աշխատագրաղ է և քիչ է-ներգատար:

ԶԵՌՆԱՐԿԱՏԻՐՈՒԹՅԱՆ ՎԱՂՎԱ ՕՐԸ (ԸՍՏ ՀՀ ՆԱԽԱԳԱՀՈՒԹՅԱՆ ԹԵԿՆԱԾՈՒՆԵՐԻ)

ՀՀ նախագահական ընտրություններ 2008-ի նախօրեին Երևանում, Գեղարքունիքի, Տավուշի, Վայոց Զորի մարզերի մասնավոր ձեռնարկատիրության երեք և կես հարյուրից ավել ներկայացուցիչների շրջանում անցկացրած հարցման արդյունքների հիման վրա ձևավորվեց մասնավոր հատվածի մտահոգություններն ամփոփող հանգուցային այն հիմնահարցերի շարքը, որը նախաձեռնող խումբը որպես ոլորտի ներկայացուցիչների յուրօրինակ պատգամ ներկայացրեց նախագահության թեկնածուների՝ Արթուր Վահանի Բաղդասարյանի (Օրինաց Երկիր կուսակցություն), Արտաշես Մամիկոնի Գեղամյանի (Ազգային Միարանություն կուսակցություն), Տիգրան Կարապետի Կարապետյանի (Ժողովրդական կուսակցություն), Արամ Սերգեյի Հարությունյանի (Ազգային Համաձայնություն կուսակցություն), Վահան Էղուարդի Հովհաննիսյանի (Հայ Յեղափոխական Դաշնակցություն կուսակցություն), Վազգեն Սիրայելի Մանուկյանի (Ազգային Ժողովրդավարական Սիություն կուսակցություն), Արման Վարդանի Մելիքյանի, Սերժ Ազատի Սարգսյանի (Հայաստանի Հանրապետական կուսակցություն) և Լևոն Հակոբի Տեր-Պետրոսյանի ուշադրությանը:

Նախագահության թեկնածուների պատասխանները բացահայտում են նրանց դիրքորոշումը վերոհիշյալ հիմնախնդիրների վերաբերյալ և բոլոր են տախս գնահատել դրանց լուծմանն ուղղված մասնավոր հատվածի և իշխանության գործադիր թերի միջև հետազականության համագործակցության հեռանկարը:

Նախագահության բոլոր թեկնածուները կարևորում են մասնավոր ձեռնարկատիրության ոլորտի դերը Երկրի տնտեսական և սոցիալական զարգացման, հատկապես նոր աշխատատեղերի ստեղծման և աղքատության կրճատման գործում:

Նրանք համաձայն են նաև մասնավոր ձեռնարկատիրության

ներկայացուցիչների հարցման մասնակիցների մեծամասնության այն կարծիքի հետ, թե երկրում մասնավոր ձեռնարկատիրության ոլորտի զարգացման աստիճանը դեռևս բավարար չէ և մասնավոր ձեռնարկատիրության ոլորտում բարեփոխումների իրականացումը խիստ կարևոր խնդիր է:

Համակարծիք են նաև այն մտքի հետ, որ ձեռնարկատիրության պետական աջակցության համակարգի արդյունավետությունը ցածր է:

Նախագահության թեկնածուներից ութի կարծիքով ևս ձեռնարկությունների 50%-ը հարկերի, ընթացակարգերի և վարչարարության հետ առնչվող խնդիրները լուծելու համար օգտվում են “տանիքի” ծառայություններից: ՀՀ վարչապետ պարոն Սերժ Սարգսյանի կարծիքով դրանց թիվը կազմում է ձեռնարկությունների 5 - 10 %-ը:

Նախագահության թեկնածուները, բացառությամբ պարոն Վահան Հովհաննիսյանի, որը որևէ կերպ չի անդրադարձել այս խնդիրին, համաձայն են հարցման մասնակից փոքր և միջին ձեռնարկատիրության ներկայացուցիչների ոլորտի բարեփոխումներին ուղղված հետևյալ միջոցառումների անհրաժեշտության հետ.

- փոքր և միջին ձեռներեցության խթանում իշխանության բոլոր մակարդակներում,
- փոքր և միջին ձեռնարկատիրության պաշտպանվածության մեխանիզմների մշակում ու ներդրում,
- սկսնակ փոքր և միջին ձեռնարկատիրության հանդեպ հատուկ պետական հոգածություն և աջակցություն:

Դրանով հանդերձ հարցաշարում թերված որոշ հարցերի շուրջ նախագահության թեկնածուների մոտեցումներն ու դիրքորոշումները տարբերվում են:

Դիտարկենք դրանք:

Առթուր Բաղրասարյան

Օրինաց Երկիր կուսակցության առաջնորդը համաձայն է մասնավոր ծեռնարկատիրության ներկայացուցիչների հարցման արդյունքում ձևավորված ոլորտում առկա խնդիրների լստ կարևորության ստորև բերված դասակարգման հետ.

1. Կոռուպցիա
2. Գների անկայունությունը, արժեզրկում
3. Արժույթի փոխարժեքի տատանումներ
4. Հարկերը և հարկային վարչարություն
5. Պետական կամ մասնավոր ծեռնարկությունների կողմից ոչ մրցակցային գործունեություն
6. Արդարադատության համակարգի անկատարություն
7. Ֆինանսավորման մեխանիզմների անկատարություն
8. Տնտեսական բարեփոխումների իրականացման ընթացք
9. Գործարարության կանոնակարգման և վարչարարության անկատարություն
10. Ենթակառուցվածքների (հեռախոս, էլեկտր., ջուր, ճանապարհներ) անբավարար վիճակ

Ընտրվելու դեպքում, պարոն Բաղրասարյանը պատրաստ է ոլորտային բարեփոխումները իրականացնել համաձայն մասնավոր ծեռնարկատիրության ներկայացուցիչների հարցման արդյունքում ձևավորված առաջնահերթության.

1. տնտեսական օրենսդրության կատարելագործում
2. արդար մրցակցային դաշտի ապահովում
3. կոռուպցիայի դեմ պայքար
4. հարկային և մաքսային բարեփոխումներ
5. համայնքների տնտեսական զարգացում
6. վարչարարության կատարելագործմանն ուղղված բարեփոխումներ

Արտաշես Գեղամյան

Ազգային Միարանություն կուսակցության թեկնածու պարոն Արտաշես Գեղամյանը ոլորտում առկա խնդիրների շարքում առավել մեծ կարևորություն է տալիս հետևյալ երեքին.

1. Կոռուպցիա
2. Արժույթի փոխարժեքի տատանումներ
3. Պետական կամ մասնավոր ձեռնարկությունների կողմից ոչ մրցակցային գործունեություն

Իսկ նախագահ ընտրվելու դեպքում մտադիր է ոլորտային բարեփոխումներն իրականացնել՝ պահպանելով հետևյալ առաջնահերթությունը.

1. Կոռուպցիայի դեմ պայքար
2. արդար մրցակցային դաշտի ապահովում
3. տնտեսական օրենսդրության կատարելագործում
4. համայնքների տնտեսական զարգացում
5. հարկային և մաքային բարեփոխումներ
6. վարչարարության կատարելագործմանն ուղղված բարեփոխումներ

Նա հարցաթերթիկում արել է հետևյալ նշումը. «Գտնում եմ, որ շատ օգտակար գործ եք նախաձեռնել: Հաջողություն եմ ցանկանում բոլորիս»:

Տիգրան Կարապետյան

Ըստ Ժողովրդական կուսակցության նախագահ՝ պարոն Տիգրան Կարապետյանի, մասնավոր ձեռնարկատիրության ոլորտում առկա խնդիրները բոլորն ել միջին կարևորության են, իսկ ոլորտային բարեփոխումների իրականացման մեջ առաջնահերթ են հետևյալ երեք հիմնախնդիրը.

1. արդար մրցակցային դաշտի ապահովում
2. կոռուպցիայի դեմ պայքար
3. համայնքների տնտեսական զարգացում:

Արամ Հարությունյան

Ազգային Համաձայնություն կուսակցության քեկնածու պարոն Արամ Հարությունյանը մասնավոր ձեռնարկատիրության ոլորտի գարզացումը խոչընդոտող խնդիրներից որպես առավել խոշոր առանձնացրել է հետևյալ հիմքը.

1. Կոռուպցիա
2. Գների անկայունությունը, արժեզրկում
3. Արժույթի փոխարժեքի տատանումներ
4. Պետական կամ մասնավոր ձեռնարկությունների կողմից ոչ մրցակցային գործունեություն
5. Ֆինանսավորման մեխանիզմների անկատարություն

Ոլորտային բարեփոխումները պարոն Հարությունյանը մտադիր է իրականացնել հետևյալ առաջնահերթության համաձայն.

1. Կոռուպցիայի դեմ պայքար
2. տնտեսական օրենադրության կատարելագործում
3. արդար մրցակցային դաշտի ապահովում
4. հարկային և մաքսային բարեփոխումներ
5. համայնքների տնտեսական գարզացում
6. վարչարության կատարելագործմանն ուղղված բարեփոխումներ

Նախագահության քեկնածուն առաջարկում է նաև «... ստեղծել տնտեսական պառլամենտ, որի մեջ գործադարները կմտնեն ըստ իրենց մուծած հարկերի, սոց.վճարումների և ներդրումների ցուցանիշների: Դրանով հնարավոր կլինի բաժանել տնտեսական և քաղաքական իշխանությունը»:

Վահան Հովհաննիսյան

Հայ Յեղափոխական Դաշնակցություն կուսակցության թեկնածու պարոն Վահան Հովհաննիսյանը ոլորտում առկա խնդիրներից առավել կարևոր է գտնում հետևյալ երեքը.

- 1. Կոռուպցիա**
- 2. Պետական կամ մասնավոր ձեռնարկությունների կողմից ոչ նրանցային գործունեություն**
- 3. Արդարադատության համակարգի անկատարություն**

Պարոն Հովհաննիսյանը գտնում է, որ ոլորտային բարեփոխումները պետք է իրականացվեն հետևյալ առաջնահերթության համաձայն.

1. արդար նրանցային դաշտի ապահովում
2. կոռուպցիայի դեմ պայքար
3. համայնքների տնտեսական զարգացում
4. հարկային և մաքսային բարեփոխումներ
5. վարչարարության կատարելագործմանն ուղղված բարեփոխումներ
6. տնտեսական օրենադրության կատարելագործում

ՀՅԴ թեկնածուն հարկ է համարել նաև նշել, որ «Տնտեսական բարարականությունը և փորք ու միջին ձեռնարկատիրության զարգացումը միշտ եղել է ՀՅԴ-ի ուշադրության կենտրոնում։ Ամենակարևոր խոչընդոտը մենք դիտում ենք մրցակցային կարգի բացակայությունը։ Նախագահ ընտրվելու դեպքում Վահան Հովհաննիսյանը երկրում հաստատելու է մրցակցային կարգ բոլոր ոլորտներում և իրականացնելու է տնտեսական մենաշնորհների կազմացում»։

Վազգեն Մանուկյան

ՀՀ նախագահության թեկնածու, Ազգային Ժողովրդավարական Սյուրյուն կուսակցության նախագահ՝ պարոն Վազգեն Մանուկյանը համաձայն է մասնավոր ծեռնարկատիրության ոլորտում առկա խնդիրների գործարարության ներկայացուցիչների հարցման արդյունքում ձևավորված ըստ կարևորության դասակարգման հետ:

ՀՀ նախագահ ընտրվելու դեպքում ոլորտի բարեփոխումների իրականացումը պարոն Մանուկյանը պատրաստ է իրականացնել հետևելով առաջնահերթությանը.

1. արդար ճրցակցային դաշտի ապահովում
2. հարկային և մաքսային բարեփոխումներ
3. տնտեսական օրենադրության կատարելագործում
4. կոռուպցիայի դեմ պայքար
5. վարչարարության կատարելագործմանն ուղղված բարեփոխումներ
6. համայնքների տնտեսական զարգացում

Նախագահության թեկնածուն նշել, և «Առաջարկությունները մեր նախընտրական ծրագրից են»:

Օրենսդրության չեղյալ հայտարարել 2007թ. հուլիսի 3-ին ընդունված «Պարզեցված հարկի մասին» ՀՀ Օրենքում կատարված փոփոխություններն ու լրացումները, ըստ որի՝ զգայինը կրծատվեց այդ հարկատեսակից օգտվողների քանակը: Փոխարենը առաջարկվում է մեծացնել պարզեցված հարկման ենթակա շրջանառության չափը՝ 50 մլն դրամից դարձնելով 100 մլն դրամ: Բացի այդ, 100-300 մլն դրամի շրջանառության դեպքում շահութահարկը պետք է կազմի 10%, իսկ 300-500 մլն դրամ շրջանառության դեպքում՝ 15%: 500 մլն-ից բարձր շրջանառությունը պետք է հարկվի 20%-ով: Տես ծրագրում «Տնտեսություն և սոցիալական ոլորտ» գլուխները: Ծրագրին կարելի է ծանոթանալ www.vazgenmanukyan.am ինտերնետային կայքում»:

Արման Սելիքյան

«Երկրում ցանկացած ոլորտի, բնականոն զարգացման համար անհրաժեշտ է պետական կառավարման կոռուպցիոն համակարգի վերացում և կառավարման նոր համակարգի ներդրում, ինչը կապահովի ոչ միայն մասնավոր ձեռնարկատիրության, այլև պետության և հասարակության կենսագործութեության տարրեր ոլորտների հաստատուն զարգացում։ Կից՝ Զեզ է ուղարկվում իմ նախարարական ծրագիրը, որի հետ կապված բոլոր հարցերը կարող ենք բննարկել մեր մտակա հանդիպման ժամանակ։»

«Ընորհակալություն»:

Սերժ Սարգսյան

Հայաստանի Հանրապետական կուսակցության թեկնածու, Հայաստանի Հանրապետական կուսակցության նախագահ, ՀՀ վարչապետ՝ պարոն Սերժ Սարգսյանը ևս համաձայն է մասնավոր ձեռնարկատիրության ոլորտում առկա խնդիրների գործարարության ներկայացուցիչների հարցման արդյունքում ձևավորված ըստ կարևորության դասակարգման հետ։

Ինչ վերաբերքում է անհրաժեշտ ոլորտային բարեփոխումների առաջնահերթությանը, ապա պարոն Սարգսյանի կարծիքով իր նախագահ ընտրվելու դեպքում այն կլինի հետևյալը։

1. կոռուպցիայի դեմ պայքար
2. արդար մրցակցային դաշտի ապահովում
3. հարկային և մաքսային բարեփոխումներ
4. համայնքների տնտեսական զարգացում
5. վարչարարության կատարելազործմանն ուղղված բարեփոխումներ
6. տնտեսական օրենադրության կատարելազործում

Ըստ նախագահության թեկնածու պարոն Սերժ Սարգսյանի «Մասնավոր ձեռնարկատիրության ոլորտի զարգացման կարևորությունը մեծ դեր ունի նաև երկրում մրցունակության և զիտելիքահենք տնտեսության զարգացման մեջ։»

Հարցաքերթիկում նշված նկատառումների վերաբերյալ բոլոր հայեցակարգային մոտեցումները հանգամանալից ներկայացված են ՀՀ Նախագահի թեկնածու Սերժ Սարգսյանի նախընտրական ծրագրում, մասնավորապես, ձևակերպված է հետևյալ տեսլականը. «Հայաստանը պետք է ճանաչվի որպես ազատ մրցակցային միջավայրում գործարարության և ներդրումների համար լավագույն պայմանները ապահովող երկիր, որտեղ կգերակայի զիտելիքի վրա հիմնված հասարակությունը», որի ներքո կարևորվում է.

- ◆ Ժամանակակից արդյունավետ պետական կառավարման համակարգի ձևավորումը, որը կոռուպցիայի դեմ պայքարի կարևորագույն երաշխիքն է,
- ◆ պետական և մասնավոր հատվածների միջև գործընկերության հայեցակարգի ներդրումը,
- ◆ ներդրումները և ակտիվ բիզնեսը քաջալերելու նպատակով մեր երկիրի հարկային և մաքսային համակարգերի միջազգայնորեն մրցունակ դարձնելը,
- ◆ բիզնեսի կայացմանն ու զարգացմանը տնտեսության կարգավորման արգելք շղատնալու ապահովումը՝ ծառայեցնելով այն հավասար պայմանների ապահովման, զարգացման աջակցության և ոխակերի նվազեցման նպատակներին, այլ ոչ հակառակը,
- ◆ համաշխարհային չափանիշներին համապատասխանող հայկական ընկերությունների կայացմանը շարունակական աջակցությունը՝ ներդրումներ կատարելով նորաստեղծ ընկերություններում և ֆինանսական օգնություն ցուցաբերելով արագացված աճի փուլում գտնվող փոքր և միջին ձեռնարկություններին:

Նշված հարցերին առնչվող դրույթները ավելի մանրամասն ներկայացված են ՀՀ Նախագահի թեկնածու Սերժ Սարգսյանի նախընտրական ծրագրի «Միասնությունը որպես երկրորդ սերնդի բարեփոխումների նախադարյալը», «Հայաստան, որին մենք ձգտում ենք», «Մրցակցային, նորամուծական տնտեսություն», «Պետական կառավարման արդյունավետ համակարգ» և «Տարածքների համաշխափ զարգացում» բաժիններում: Բացի այդ, նշված հարցերին առնչվող առանձին դրույթներ ներկայացված են նաև ՀՀ Կառավարության գործունեության ծրագրում»:

Լևոն Տեր-Պետրոսյան

ՀՀ նախագահության թեկնածու պարոն Լևոն Տեր-Պետրոսյանը մասնավոր ձեռնարկադիրության ոլորտում առկա խնդիրների շարքում որպես առավել խոշոր առանձնացնում է հետևյալ վեցը.

1. Կոռուպցիա
2. Հարկեր և հարկային վարչարարություն
3. Պետական կամ մասնավոր ձեռնարկությունների կողմից ոչ ճրցակցային գործունեություն
4. Արդարադատության համակարգի անկատարություն
5. Ֆինանսավորման մեխանիզմների անկատարություն
6. Ենթակառուցվածքների (հեռախոս, էլեկտր., ջուր, ճանապարհներ) անբավարար վիճակ

Նախագահ ընտրվելու դեպքում, պարոն Տեր-Պետրոսյանը մտադիր է ոլորտի բարեփոխումներն իրականացնել ստորև բերված առաջնահերթության համաձայն.

1. Կոռուպցիայի դեմ պայքար
2. հարկային և մաքսային բարեփոխումներ
3. Վարչարարության կատարելագործմանն ուղղված բարեփոխումներ
4. արդար ճրցակցային դաշտի ապահովում
5. համայնքների տնտեսական զարգացում
6. տնտեսական օրենսդրության կատարելագործում

Նախագահության թեկնածու պարոն Լևոն Տեր-Պետրոսյանի կարծիքով «Փոքր և միջին թիգենսի զարգացման հարցում անհրաժեշտ է իրավական և վարչարարական միջոցառումների ծրագրերի մշակում, որտեղ պետք է լնդգծվեն առաջնահերթությունները, մասնավորապես նոր աշխատատեղերի ստեղծումը, փոքր քաղաքներում և գյուղական վայրերում, աղքատության կրծատումը, մինչդեռ հարկային խնդիրները պետք է համարվեն ստորադաս, երկրորդային: Այդ իսկ ինաստով անհրաժեշտ է միջոցառումների այնպիսի ծրագրի մշակումը, որը հավասարապես ներառի թե սկսնակ ձեռնե-

ըեցների օժանդակության խնդիրները և քե իրավական մեխանիզմներն ու երաշխիքները»:

ՀԱՎԵԼՎԱԾ 1.

1. Խնդրում ենք գնահատել երկրում մասնավոր ձեռնարկատիրության զարգացման աստիճանը:
 բավարար է բավարար չէ տեղյակ չեմ
2. Որքանո՞վ են պետական կառավարման մարմիններն օժանդակում Ձեր ձեռնարկության զործունեությանը:
 շատ են օգնում որոշ չափով օգնում են անտարբեր են
 չեն օգնում խանգարում են
3. Ինչպե՞ս եք գնահատում կառավարման մարմինների ծառայությունների մատուցման արդյունավետությունը:
 արդյունավետ անարդյունավետ տեղյակ չեմ
4. Զեր կարծիքով, ձեռնարկությունների ո՞ր տոկոսն է օգտագործում “տանիք” պետական հարկերի, կանոնակարգերի և վարչարության հետ առնչվող խնդիրները լուծելու համար:
----- %
5. Ինչպե՞ս եք գնահատում հետևյալ խնդիրները (1 – խնդիր չէ, 2 – փորբ խնդիր է, 3 – միջին խնդիր է, 4 – մեծ խնդիր է, 0 – չգիտեմ):

ս	Տնտեսական բարեփոխումների իրականացման ընթացքը	(1)	(2)	(3)	(4)	(0)
թ	Գործարարության կանոնակարգումը և վարչարարությունը	(1)	(2)	(3)	(4)	(0)
գ	Հարկերը և հարկային վարչարարությունը	(1)	(2)	(3)	(4)	(0)
դ	Արդարադատության համակարգի զործունեությունը	(1)	(2)	(3)	(4)	(0)

ե	Ոչ մրցակցային գործունեությունը պետական կամ մասնավոր ձեռնարկությունների կողմից	(1)	(2)	(3)	(4)	(0)
զ	Կոռուպցիան	(1)	(2)	(3)	(4)	(0)
է	Ենթակառուցվածքները (հեռախոս, էլեկտր., ջուր, ճանապարհներ)	(1)	(2)	(3)	(4)	(0)
լ	Ֆինանսավորումը	(1)	(2)	(3)	(4)	(0)
թ	Գների անկայունությունը, արժեզրկումը	(1)	(2)	(3)	(4)	(0)
Ժ	Արժույթի փոխարժեքի տատանումները	(1)	(2)	(3)	(4)	(0)

6. Ըստ Ձեզ, որո՞նք են երկրում մասնավոր ձեռնարկատիրության զարգացման հիմնական խոչընդոտները:

- Ձեռնարկության հիմնադրման կարգը
- Սեփականատիրական իրավունքի պաշտպանված չլինելը
- Հարկային բեռը, բարդ հարկային համակարգը
- Թույլտվությունների և լիցենզիաների ստացման կարգը
- Կոռուպցիան պետական հատվածում
- Վարկերի դժվար նատչելիությունը
- Անբավարար պետական աջակցությունը
- Օրենսդրության հաճախակի և անհետևողական փոփոխությունները
- Դատաիրավական համակարգի անկատարությունը
- Վարչարարական չարաշահումները

7. Ի՞նչպես կզնահատեք երկրում ՓՄՁ ոլորտում բարեփոխումների իրականացման անհրաժեշտությունը:
- խիստ անհրաժեշտ է անհրաժեշտ է անհրաժեշտ չէ
8. Ակնկալում ե՞ր արդյոք տնտեսական բարեփոխումների խթանում նորընտիր նախագահի կողմից:
- այո ոչ չգիտեմ
9. Ըստ կարևորության դասակարգեք ստորև բերված ոլորտային բարեփոխումները, որոնց իրականացումը, Զեր կարծիքով առաջնահերթ պիտի լինի նորընտիր նախագահի համար (1 - ամենակարևորն է, 6 - նվազ կարևոր):
- տնտեսական օրենսդրության կատարելագործում
 վարչարարության կատարելագործմանն ուղղված բարեփոխումներ
 հարկային և մաքսային բարեփոխումներ
 ֆինանսավարկային համակարգի բարեփոխումներ
 արդար մրցակցային դաշտի ապահովում
 կոռուպցիայի դեմ պայքար
 ինվացիոն քաղաքականության մշակում և իրականացում
 ներդրումային քաղաքականության խթանում
 համայնքների տնտեսական զարգացում
10. Այլ առաջարկություններ և դիտարկումներ
- :

ՀԱՎԵԼՎԱԾ 2.

1. Կարևորում եք արդյո՞ք մասնավոր ձեռնարկատիրության ոլորտի դերը մեր երկրի տնտեսական և սոցիալական զարգացման գործում:

այո

ոչ

մասամբ

2. Ձեր կարծիքով հատկապես ո՞ր խնդիրների լուծման համար առավել կարևոր դեր ունի մասնավոր ձեռնարկատիրության ոլորտի զարգացումը:

տնտեսական աճ

նոր աշխատատեղերի ստեղծում

տարածքային զարգացում

աղքատության կրճատում

3. Համաձա՞յն եք արդյոք հարցման մասնակիցների մեծամասնության այն կարծիքի հետ, թե երկրում մասնավոր ձեռնարկատիրության ոլորտի զարգացման աստիճանը դեռևս բավարար չէ :

այո

ոչ

տեղյակ չեմ

4. Ձեր դիրքորոշումից ելնելով, ինչպե՞ս կզմահատեք երկրում մասնավոր ձեռնարկատիրության ոլորտում բարեփոխումների իրականացման անհրաժեշտությունը:

խիստ անհրաժեշտ է անհրաժեշտ է անհրաժեշտ չէ

5. Համաձա՞յն եք արդյոք հարցման մասնակիցների մեծամասնության այն կարծիքի հետ, թե ձեռնարկատիրությանը պետական աջակցության համակարգի արդյունավետությունը անհրաժեշտ է բարձրացնել:

այո

ոչ

չգիտեմ

6. Համաձա՞յն եք արդյոք հարցման մասնակիցների մեծամասնության այն կարծիքի հետ, թե ձեռնարկությունների 50 %-ը օգ-

տագործում են “տաճիքը” պետական հարկերի, լնթացակարգերի և վարչարարության հետ առնչվող խնդիրները լուծելու համար:

այս, եթե ոչ՝ տվեք Զեր գնահատականը ----- %

7. Համաձա՞յն եք արդյոք ոլորտում առկա խնդիրների լստ կարևորության ստորև բերված դասակարգման հետ:

Եթե ոչ՝ տվեք դասակարգման Զեր տարրերակը (1 – խնդիր չէ, 2 - փոքր խնդիր է, 3 – միջին խնդիր է, 4 – մեծ խնդիր է, 0 – չգիտեմ):

1.	Կոռուպցիան	(1)	(2)	(3)	(4)	(0)
2.	Գների անկայունությունը, արժեգործումը	(1)	(2)	(3)	(4)	(0)
3.	Արժույթի փոխարժեքի տատանումները	(1)	(2)	(3)	(4)	(0)
4.	Հարկերը և հարկային վարչարարությունը	(1)	(2)	(3)	(4)	(0)
5.	Պետական կամ մասնավոր ձեռնարկությունների կողմից ոչ նրգակցային գործունեությունը	(1)	(2)	(3)	(4)	(0)
6.	Արդարադատության համակարգի անկատարությունը	(1)	(2)	(3)	(4)	(0)
7.	Ֆինանսավորման մեխանիզմների անկատարությունը	(1)	(2)	(3)	(4)	(0)
8.	Տնտեսական բարեփոխումների իրականացման լնթացքը	(1)	(2)	(3)	(4)	(0)
9.	Գործարարության կանոնակարգման և վարչարարության անկատարությունը	(1)	(2)	(3)	(4)	(0)

10.	Ենթակառուցվածքների (հեռախոս, էլեկտր., ջուր, ճանապարհներ) անբավարար վիճակը	(1)	(2)	(3)	(4)	(0)
-----	---	-----	-----	-----	-----	-----

8. Տվեք լստ առաջնահերթության ակնկալվող ոլորտային բարեփոխումների դասակարգման Զեր տարրերակը (1 - ամենակարևորն է, 6 - նվազ կարևոր է):

- տնտեսական օրենսդրության կատարելագործում
- արդար նրբակցային դաշտի ապահովում
- կոռուպցիայի դեմ պայքար
- հարկային և մաքսային բարեփոխումներ
- համայնքների տնտեսական զարգացում
- վարչարարության կատարելագործմանն ուղղված բարեփոխումներ

9. Համաձա՞յն եք արդյոք հարցման մասնակից փոքր և միջին ձեռնարկատիրության ներկայացուցիչների կարծիքով ոլորտի բարեփոխումներին ուղղված հետևյալ միջոցառումների անհրաժեշտության հետ:

- փոքր և միջին ձեռներեցության խթանում իշխանության բոլոր մակարդակներում,
- փոքր և միջին ձեռնարկատիրության պաշտպանվածության մեխանիզմների մշակում ու ներդրում,
- սկսնակ փոքր և միջին ձեռնարկատիրության հանդեպ հատուկ պետական հոգածություն և աջակցություն:

10. Զեր դիտարկումներն ու առաջարկությունները

..... :